





第一一六二冊

四庫全書

●上海古籍出版社

本冊目次

劍南詩藁（二）

宋陸游撰
陸子虞編……………一

欽定四庫全書

集部
劔南詩彙卷一

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

騰錄監生臣楊浚明

欽定四庫全書

集部四

劔南詩彙

別集類三宋

提要

臣等謹案劔南詩彙八十五卷宋陸游撰游

有南唐書已著錄是集末有嘉定十三年游

子朝請大夫知江州軍事子虞跋稱游西泝

楚道樂其風有終焉之志宿留殆十載戊戌

春正月孝宗念其久外趣召東下然心固未

欽定四庫全書

劔南詩彙

嘗一日忘蜀也是以題其平生所為詩卷曰

劔南詩彙蓋不獨謂蜀道所賦詩也又稱戊申

己酉後詩游自大遼謝事歸山陰故廬命子

虞編次為四十卷復題其籤曰劔南詩續彙

自此至捐館舍通前彙為詩八十五卷子虞

假守九江刊之郡齊遂名曰劔南詩彙

義未順疑當作通
名曰劔南詩彙云云則此本猶子虞之所

編至跋稱游在新定時所編前彙于舊詩多

所去取所遺詩尚七卷不敢復雜之卷首別

其名曰遺彙者

案後村詩話作別集七卷蓋偶筆誤

今則不可

見矣明羅鶴應卷任意錄載郭用瑞家藏游

墨蹟有蓬萊館二絕句又夜還驛舍二首皆

具錄其全篇核其詞氣確為游作其即在七

卷之中者歟卷首又有淳熙十四年游門人

鄭師尹序稱其詩為眉山蘇林所收拾而師

尹編次之與子虞跋不同蓋師尹所編先別

欽定四庫全書

初南詩集

三

有一本子虞存其舊序冠于全集也游詩法

傳自曾幾而所作呂居仁集序又稱源出居

仁二人皆江西派也然游詩清新刻露而出

以圓潤實自闢一宗不襲黃陳之舊格劉克

莊號為工詩而後村詩話載游詩僅摘其對

偶之工已為皮相後人選其詩者又畧其感

激豪宕沈鬱深婉之作惟取其流連光景可

以剽竊移掇者轉相販鬻放翁詩派遂為論

者口實夫游之才情繁富觸手成吟利鈍互

陳誠所不免故朱彞尊曝書亭集有是集跋

摘其自相蹈襲者至一百四十餘聯是陳因

窠臼游且不能自免何況後來然其託興深

微遺詞雅雋者全集之內指不勝屈安可以

選者之誤併集矢於作者哉今錄其全集庶

幾知劔南一派自有其真非淺學者所可藉

口馬乾隆四十六年九月恭校上

欽定四庫全書

初南詩集

三

總纂官_臣紀昀_臣陸錫熊_臣孫士毅

總校官_臣陸費埴

劔南詩臺序

前輩有欲補詩史一字之闕終莫適其當者夫發言寓意未必惟一字之工或者窮思畢慮之弗逮人才相去乃爾遠耶太守山陰陸先生劔南之作傳天下眉山蘇君林收拾尤富適官屬邑欲鈇本為此邦盛事廼以纂次屬師尹亦既敘衽肅觀則浩渺閭肆莫測津涯掩卷太息者久之獨念吾儕日從事先生之門間有疑闕自公餘可以從容質正幸來者見斯文大全用是不敢辭

欽定四庫全書

劔南詩臺序

劔南詩臺六百九十四首續臺三百七十七首蘇君於集外得一千四百五十三首凡二千五百二十四首又七首釐為十卷總曰劔南因其舊也文字傳襲失真類不滿意其如此書得之所見有以傳信而無疑若夫發乎情性充乎天地見乎事業忠憤感激憂思深遠一念不忘君先生之志且有當世巨公為之發揮非師尹敢任淳熙十有四年臘月幾望門人迪功郎監嚴州在城都稅務括蒼鄭師尹謹書

欽定四庫全書

劔南詩臺卷一

宋 陸游 撰

別曾學士

兒時聞公名謂在千載前稍長誦公文雜之韓杜編夜輒夢見公皎若月在天起坐三數息欲見亡繇緣忽聞高軒過雖喜忘食眠袖書拜輒下此意私自憐道若九達衢小智妄鑿穿所願瞻德容碩固或少痊公不謂狂疎屈體與周旋騎氣動原陞霜日明山川匏繫不得從瞻望抱悵悵畫石或十日刻楮有三年賤貧未即死聞道期華顙他時得公心敢不知所傳

送仲高兄官學秩滿赴行在

兄去游東閩才堪直北扉莫憂持橐晚姑記乞身歸道義無今古功名有是非臨分出苦語不敢計從違

題閭郎中溧水東園亭

省中地禁清晝長侍史深注薰籠香榮名挽公公不住

東華歸去栽花忙，髣髴華髮映朱紱。同舍半已排雲翔，正如少陵入嚴幕。本自不用尚書郎，向令封侯佩金印。不然草詔直玉堂，萬鍾會作夢幻過。三徑空嘆松菊荒，樂天十年履道宅。贊皇一夕平泉莊，公看富貴定何物。一笑乃復坐此坊，東華樂哉日成趣。簪花起舞當自強，知公能容賤子狂。請賦式微之二章。

和陳魯山十詩以孟夏草木長，遶屋樹扶疎為韻。言語日益工，風節顧弗競。杞柳為栢棧，此豈真物性。病

欽定四庫全書

知不足齋

夫背俗馳梁甫，時一詠奈何。七尺軀貴賤，視趙孟。

又

唐虞亦人耳，四海可高謝。哀哉斗升故，詒妄雨憑架。心明物自實，能整故能暇。會當棄人事，面壁度九夏。

又

大父昔在朝，騰上唯恐早。淡然清班中，灰寒而木槁。議論主中和，人才進者老。至今下馬墳，不生刺人草。

又

櫻酪事已過，角黍配夏熟。尚憶少小時，綠縷繫腕玉。此生本幻戲，衰態轉眼足。三郎老無慘，始解歎絲木。

又

門無容車高庭止，旋馬廣富貴固易耳。正恐卿慙長時情，競脂韋家法。獨翫麟靜處看紛紛，桔槔勞頽仰。

又

至人貴其身，不使事物遶。捐身易富貴，明珠彈飛鳥。我願稱善人，題作墓上表。從來尺鷃樂，不羨飛鴻矯。

欽定四庫全書

知不足齋

又

匆匆過三十，夢境日已感。誰知歎亡羊，但有喜得鹿。本來作何面，認此逆旅屋。逢人吹布毛，出世不忍獨。

又

杜門殊省事，百巧輸一粗。燒香淨掃地，袖手了朝莫。君看瓦樞手，端自勝金注。塵機早見貸，不待難竿樹。

又

萬物備於我，本來無欠餘。靈儒可憐生，西抹復東塗。斯

文如大厦傾壞要力扶犬子具鼠單辛苦賣子虛

又

風花憐寂寞起舞為我娛舉酒謝風花吾道殊不疎汝
開何自有汝落何自無居然會此理吾汝皆如如

看梅絕句

梅花宜寒更宜陰摩挲拄杖過溪尋幽香著人索管領
不信如今鐵石心

又

欽定四庫全書

梅南詩集

梅花樹下黃筍丘古人尚能愛花不月淡煙深聽牧笛
死生常事不須愁

又

荒陂十畝浴鳬鴨折葦枯蒲寒意深何處得船滿載酒
醉時繫著古梅林

又

一物不向胃次橫醉中談話坐中傾梅花有情應記得
可惜如今白髮生

又

老子舞時不須拍梅花亂插烏巾香尊前作劇莫相笑
我死諸君思此狂

春晚簡陳魯山

春工我單人可許不待面欲老更增奇原野紅綠遍向
來苦摧傷零雨雜飛霰豈知袖此手天定乃徐見吾齊
萬花間輕衫稱團扇飛花點書冊戲蝶遊几研吾衰未
忘情小句亦倩絢持問陳元龍試乞語一轉

欽定四庫全書

梅南詩集

寄酬曾學士學宛陵先生體比得書云所寓廣教
僧舍有陸子泉每對之輒奉懷

庭中下午鵲門外傳遼書小印紅屈蟠兩端黃蠟塗開
絨展矮紙滑細疑印膚首言勞良苦後問逮妻孥中間
勉以仕語意極勤渠字如老瘠竹墨淡行疎疎詩如古
鼎篆可愛不可摹快讀醒人意垢癢逢爬梳細讀味益
長炙轂出膏腴行吟坐臥看廢食至日晡想見落筆時
萬象聽指呼亦知題詩處綠井石髮麤公閒計有客煎

茶置風爐倘公無客時濯纓亦足娛并名本李疵思人
理豈無居然及賤子媿謝恩意殊幾時得從公舊學鋤
荒蕪古文講聲形誤字辨魯魚時時酌井泉露芽奉瓢
盂不知公許否因風報何如

夜讀兵書

孤燈耿霜夕窮山讀兵書平生萬里心執戈王前驅戰
死士所有恥復守妻孥成功亦邂逅逆料政自疎陂澤
號飢鴻歲月欺貧儒歎息鏡中面安得長膚腴

欽定四庫全書

二月二十四日作

棠梨花開社酒濃南村北村鼓琴琴且祈麥熟得飽餽
敢說穀賤復傷農崖州萬里窺酷吏湖南幾時起臥龍
但願諸賢集廊廟書生窮死勝侯封

送曾學士赴行在

二月侍燕觴紅杏寒未圻四月送入都杏子已可摘流
年不貸人俯仰遂成昔事賢要及時感此我心惻欲書
加餐字寄之西飛翮念公為民起我得怨乖隔搖搖跂

前旌去去望車輓亭郭鬱將暮落日澹陂澤敢忘國士
風涕泣效臧獲敬輸千一慮或取二三策公歸對延英
清問方側席民瘼公所知願言寫肝膈向來酷吏橫至
今有遺孽織羅士破膽白著民碎魄詔書已屢下宿蠹
或未革期公作醫和湯劑窮絡脉士生恨不用得位忍
辭責併乞謝諸賢努力光竹帛

霽夜觀月

雲重真愁無散時可憐不奈一風吹清輝如此那休得

欽定四庫全書

誰快虛空作許癡

新夏感事

百花過盡綠陰成漠漠爐香睡晚晴病起兼旬疎把酒
山深四月始聞鶯近傳下詔通言路已卜餘年見太平
聖主不忘初政美小儒唯有涕縱橫

留題雲門草堂

小住初為旬月期二年留滯未應非尋碑野寺雲生屨
送客溪橋雪滿衣親滌硯池餘墨漬臥看爐面散煙霏

他年遊官應無此早買漁蓑未老歸

送韓梓秀才十八韻

束髮走場屋始得從君遊燈火都城夜風雨湖上秋追
隨不隔日巖壑窮探搜摩挲石屋背搖兀闌門舟酒酣
耳頗熟意氣益九州夜臥相踞語狂笑雜嘲諷但恐富
貴逼肯懷貧賤憂人事信難料百戰竟不侯我老農圃
間君落天南陬相逢會稽市感歎歲月遒君從上都來
倘逢舊朋儔我窮本天命於人寧有求但念侯君房不
知尚癡不君聞拊手笑怪我狂未廖共談平生舊只欲
苦死留如何忽決去病瘧送無由秋風墜桐葉新霜犯
貂裘君聽馬蹄聲中有千里愁

送陳德邵官教赴行在二十韻

相從何必早白頭或如新登門雖尚疎數面自成親昨
者始見公凜然鬚如銀敗席留煮茗寒廳無雜賓平生
事賢意寸心渴生塵樂哉得所從貧病忘吟呻恭惟大
雅姿信是邦國珍廣文舊官長二紀轉鴻鈞恩仇快報

復禍福出笑顰同舍事容悅腰佩玉麒麟聲說吏得志
後來如積薪於時公淡如位屈道則伸法宮親決事収
召極海濱人才方雜省公仕益遽巡欲以貴祝公公豈
慕要津欲以窮託公公豈私賤貧頗欲述古誼勸公勿
愛身此又公所存豈待賤子陳高飄泊江渚歲晚風雨
頻願言添衣裘寒陰能薄人

朱子雲園中觀花

我鬢忽已白君顏非復朱花前一盃酒不樂復何如暮
看枝上花已覺不如早富貴當及時吾輩奈何老我歌
君起舞竟日為君留安知花無情不解替人愁長安二
三月花滿上林中祝君早得意歸轡聽聰聰

酬妙湛聞梨見贈妙湛能暴其師璘公益嘗與先

君遊云

昔侍先君故里時僧中最喜老璘師高標無復鄉人識
妙寄惟應弟子知山店煎茶留小語寺橋看雨待幽期
可人不但詩超絕玉子紋枰又一奇

次韻魯山新居絕句

求得軒車心愧天不如窮死却陶然
君曾布衣尚可活那有日興須萬錢

又

短牆缺處插疎籬巷劣容車堂對陂
天下有公殊可賀坐中著我不妨奇

寄陳魯山

陳時詞
官都下

諸公貴人識面稀胸中璀璨漫珠璣
即今舉手遍西日欽定四庫全書

應有流塵化素衣舊學極知難少貶
吾儕持此欲安歸夜來風雨空堂靜
忽憶燈前語入微

又

天下無虞國論深書生端合老山林
平生力學所得處政要如今不動心
舊友幾年猶短褐謫官萬里少來音
願公思此寬羈旅靜勝炎曦豈易侵

戲題江心寺僧房壁

史君千騎駐霜天主簿孤舟冷不眠
也與史君同快意

臥聽鼓角大江邊

見夕新永嘉
守亦宿此寺

泛瑞安江風濤貼然

俯仰兩青空舟行明鏡中蓬萊定不遠
正要一颿風

平陽驛舍梅花

江路輕陰未成雨梅花欲過半沾泥
遠來不負東皇意一絕清詩手自題

度浮橋至南臺

客中多病廢登臨聞說南臺試一尋
九軌徐行愁濤上欽定四庫全書

千艘橫繫大江心寺樓鐘鼓催昏曉
墟落雲煙自古今白髮未除豪氣在
醉吹橫笛坐榕陰

出縣

匆匆簿領不堪論出宿聊寬久客魂
稻隴牛行泥活活墊塘橋壞雨昏昏
槿籬護藥纔通徑竹筴分泉自遍村
歸計未成留亦好愁腸不用遠吳門

還縣

霽色清和日已長綸巾蕭散意差強
飛飛鷗鷺陂塘綠

鬱鬱奈麻風露香南陌東村初過社輕裝小隊似還鄉
哦詩忘却登車去枉是人言作吏忙

雨晴遊洞宮山天慶觀坐間復雨

近水松篁鎖翠微洞天宮殿對清暉快晴似為餘醺計
急雨還妨燕子飛道士晝閒丹竈冷山童曉出藥苗肥
拂床不用勤留客我因文書自怕歸

寄陳魯山

平生交遊中陳子我所敬初猶似豪舉晚乃抱淵靜獨

欽定四庫全書

知不足齋

主

觀心地初皎若虛室鏡人知自渠事道行君有命青衫
二十年老色上鬚髯偶然預收召瘦馬趣朝請退食輒
杜門不省求捷徑似聞石渠書雖黃久未定丁字猶恨
曲朋字竟須正願君試思之魚魯何足訂

航海

我不如列子神遊御天風尚應似安石悠然雲海中臥
看十幅蒲彎彎若張弓潮來湧銀山忽復磨青銅飢鷗
掠船舫大魚舞虛空流落何足道豪氣蕩肺腑歌罷海

動色詩成天改容行矣跨鵬背弭節蓬萊宮

海中醉題時雷雨初霽天水相接也

羈遊那復恨奇觀有南溟浪蹴半空白天浮無盡青吐
吞交日月湏洞戰雷霆醉後吹橫笛魚龍亦出聽

漢行

蓬蒿鳴春雨帆蒲掛暮煙買魚尋近市覓火就隣船愁
臥醒還醉灘行却復前長年殊可念力盡逆風牽

又

欽定四庫全書

知不足齋

主

冒雨牽何急爭風力不餘逢人問墟市計日買新蔬煙
寺高牆出山禽一老鋤枕書醒醉裏短髮不曾梳
自來福州詩酒廢北歸始稍稍復飲至永嘉括
蒼無日不醉詩亦屢作此事不可不記也

東陽道中

尊酒如江綠春愁抵草長但令閒一日便擬醉千場柳
弱風禁絮花殘雨漬香客遊還役役心賞竟茫茫
風歌烏帽送輕寒雨點春衫作碎斑小吏知人當者句

先安筆硯對溪山

東陽觀醪醕

福州正月把離杯已見醪醕壓架開吳地春寒花漸晚
北歸一路摘香來

送李德遠寺丞奉祠歸臨川

送騎擁東城煙帆如鳥輕道行瑞有命身隱更須名盱
食煩明主塵沙暗舊京臨分一襟淚不獨為交情

送王嘉叟編修出佐南昌

欽定四庫全書

南山詩集

卷一

王殿求衣早鸞臺退食遲君看多故日寧是棄言時小
作南州計方觀急詔追歸來上霄漢莫遣此心移

送王龜齡著作赴會稽大宗丞

有越踰千載何人不宦遊向來惟一范眞足壯吾州高
躅今誰繼先生獨再留登堂弔興廢想像氣橫秋

又

大將上兵符軍容備掃除恭惟陛下聖方采直臣書忽
報分司去還尋入幕初宗藩雖舊識莫遣得親疎

送杜起莘殿院出守遂寧

羽檄聯翩晝夜馳臣憂顧不在邊陸軍容地密寧當議
陛下恩深不忍欺白簡萬言幾慟哭青編一傳可前知
平生所學今無負未歎還鄉兩鬢絲

和曾待制遊兩山

翰林碑立崔嵬上待制詩題香霑間人天八萬四千塢
便合推為第一山

右題育王山明月堂

欽定四庫全書

南山詩集

卷一

疎鐘迎客到溪亭碧瓦朱欄相照明想得松陰排萬衲
籃輿放處恰詩成

右題天章山宿驚亭

攀石捫蘿到更幽玲瓏咫尺嬾窮搜旁人不曾當時意
為欠門生作伴遊

右題天章山更幽亭且以未到玲瓏為恨

雨中出遊夜歸

小雨南山路今朝思出遊難從子規請寧遣竹雞憂野

店寒饒柿煙津晚喚舟歸來對燈火未恨濕衣裘

謝李平叔郎中問疾

吏部朝回早幽人病始蘇過門迂問訊歌枕聽傳呼緣
瘦重裁帽因衰學染鬚投詩發公笑試想此形模

聞武均州報已復西京

白髮將軍亦壯哉西京昨夜捷書來敵人敢作千年計
天意寧知一日回到聖仁恩深雨露中興赦令疾風雷
懸知寒食朝陵使驛路梨花處處開

欽定四庫全書

知不足齋

七

喜小兒輩到行在

阿綱學書蚓滿幅阿繪學語罵鸚木哉竹作馬走不休
小車駕羊聲陸續書窗浣壁誰忍喚唬啼也復可憐人
却思邊馬飲江水敢道春風無戰塵傳聞敵棄兩京走
列城爭為朝廷守從今父子見太平花前飲水勿飲酒
病起寄曾原伯兄弟

意象殊非昨筋骸劣自持衰如霜後木愁抵盎中絲風
雪書來少江山夢到遲出門還惘惘倚杖獨移時

送湯岐公鎮會稽

吳越東西州浙江限其中黃旗高十丈大舟凌虛空都
人送留守郡吏迎相公江心波濤壯帳下鼓角雄樂哉
公何憾廷論則未同永懷前年秋敵入方嘯兇閭左發
薊北戈船滿山東舊盟顧未解誰敢嬰其鋒公時立殿
上措置極雍容南荒竄驕將京口起元戎舊勲與宿貴
屏氣聽指蹤規模一朝定強敵終歸窮當時謂易耳未
見回天功及今始大服咨嗟到兒童天心佑社稷主聖

欽定四庫全書

知不足齋

七

肖祖宗旌節早來朝笑談折遐衝

周洪道學士許折贈館中海棠以詩督之
嫋嫋柔絲不自持更禁日炙與風吹仙家見慣渾閒事
乞與人間看一枝

送七兄赴揚州帥幕

初報邊烽照石頭旋聞邊馬集瓜州諸公誰聽芻蕘策
吾輩空懷賦畝憂急雪打窗心共碎危樓望遠涕俱流
豈知今日淮南路亂絮飛花送客舟

閏二月二十日遊西湖

西湖二月遊人稠
鮮車快馬巷無留
梨園樂工教坊優
絲竹悲激雜清謳
追逐下上暮始休
外雖狂醒樂則不
豈知吾曹淡相求
酒肴取具非預謀
青梅苦筍助獻酬
意象簡樸足鎮浮
尚慙一官自拘囚
未免足馬從兩驄
南山老翁亦出遊
百錢自挂竹杖頭

劉太尉挽歌辭

敵人忘覆育
師旅備非常
南服更旌節
中軍鑄印章

欽定四庫全書

知山詩集

書諭燕趙開府寇侯王赫赫今何在
門庭冷似霜

又

堅壁臨江日
人疑制敵疎
安知百萬寇
銳盡決旬餘
智出常情表
功如定計初
云何媚公者
不置篋中書

過林黃中食柑子有感學宛陵先生體

博士得黃柑甚愛不忍學持獻
太夫人遠附海上船
故山饒氛霧可使酒盃窄
豈無荔枝好饜飫恐不摘相去
三千里無異娛旁側乃知母子意
更遠未嘗隔我昨往

見君從容弄書冊
藥分臘劑香茶泛
春芽白主意顧未
厭筐筥自搜索
敢謂甘旨餘亦及
此下客霜色纔三四
氣可壓千百重
是慈孝物不敢吐
其核甘寒雖遠齒
悲感已橫臆
半生無歡娛
初不為湮厄

玉牒所迎駕望見周洪道舍人

自卜河橋宅
清談喜屢陪
今年見騰蹕
不恨老氛埃
曉放宮門鑰
霜彫輦路槐
班回獨小立
為待繡鞍來

送梁諫議

欽定四庫全書

知山詩集

湖海還朝白髮生
嬾隨年少事聲名
極知憂國人誰及
細看無心語自平
歸訪鄉人忘位重
乍辭言責覺身輕
籃輿避暑雲門寺
應過幽居聽水聲

所愛
賞

游有巷居在雲門
流泉逸屋諫議舊

以石芥送劉韶美禮部劉比釀酒勳甚因以為戲
古人重改陽城驛
吾輩欣聞石芥名
風味可人終骨體
尊前真見魯諸生

又

長安官酒甜如蜜風月雖佳懶舉觴持送盤蔬還會否
與公新釀闕端方

出都

重入修門甫歲餘又攜琴劍返江湖乾坤浩浩何由報
犬馬區區正自愚緣熟且為蓮社客伴來喜對草堂圓
西廂屋了吾真足高枕看雲一事無

曾原伯屢勸居城中而僕方欲自梅山入雲門今

日病酒偶得長句奉寄

欽定四庫全書

卷一百一十五

借得僧房似釣船兼旬散髮醉江天酒能作病真如此
窮乃工詩却未然閑似白鷗雖自許健如黃犢已無緣
秋高更欲移家去先葺雲門屋數椽

村居

富貴功名不擬論且浮舴艋寄煙村生憎快馬隨鞭影
寧作癡人記劒痕樵牧相諳欲爭席比鄰漸熟約論婚
晨暮夜績吾家舊正要遺風付子孫

看山

小葦節淡紫翠間今年偷得半年閒門前木落須霜曉
且看西南一角山

夏夜泛舟書所見

山房猶復畏炎蒸長掩柴門媿老僧兩槩去拙東浦月
一龕回望上方燈驚飛宿鳥時呼侶騰起長魚有脫罾
夜半歸來步松影真成赤腳踏層水

秋陰

陂澤秋容淡郊原晚氣清雨來鳩有語社近燕無情拄
杖扶腰痛漁舟照眼明苦吟緣病輟隨意或詩成

欽定四庫全書

卷一百一十五

盆池

門外江灣湧雪堆埋盆作沼亦何哉兒曹不解渠翁意
新脫風波嶮處來

比從人覓酒皆酸薄戲作此詩

酒盡聊憑折簡求不知人要博涼州牆隅棄置空三歎
露下螢飛奈此秋

買魚